

10270-37  
601

湘潭縣地理圖說

中国书店标价	
册数	定价
1	40

湘潭縣地理圖說目次

- 一 位置
- 二 疆界
- 三 地勢
- 四 山脈
- 五 河流
- 六 區域
- 七 政治
- 八 教育
- 九 交通
- 十 沿革

湘潭縣地理圖說

湘潭縣守益圖書印刷社印



湘潭縣地理圖說

湘潭張先民編次

一位置

湘潭縣在中華國本部之南湖南省會之西南地屬長江流域挾湘控漣引涓帶靳實據湖南省會上游重地其縣城公署在赤道北緯二十七度五十六分中經偏西三度四十分英經偏東一百一十二度五分其地廣人稠土肥物美自古稱爲湖外壯縣

二疆界

湘潭縣地南起雙石門北緯二十七度一十五分北至大目寺北緯二十八度九分東起源頭坳中經偏西三度二十四分西至韶山中經偏西四度一十七分南北相距占緯度五十四分東西相距占經度五十三分 東北以探塘上至昭山之湘水由昭山東迤至馬阜坳與長沙縣分界 東以龍頭鋪至半山坡與長沙縣以婆仙嶺至屏風山與瀏陽縣以梅村坳南至分水大坵折西至鑿石對岸復南沿湘水至淦田轉東至軍山復南至源頭坳與醴陵縣分界 東南以牌山嶺西南至鳳凰山與攸縣分界 西北以羅仙寨

湘潭縣地理圖說

湘潭縣守益圖書印刷社印

迤西至韶山折南至鐵皮橋與湘鄉縣分界 西以楓木冲直南至福海山與湘鄉縣分界 西南以青翠峯折西南至錦鰲峯折東至會湘橋與湘鄉縣分界 南以霞嶺斜向東北至高山寺以新鋪子折向東南至樊田港由桅杆嶺沿湘水曲折而東至朱亭折東南至雙石門與衡山縣分界 北以白石寨迤東至鳳凰庵折東南至楊家冲折東北至仙女廟與寧鄉縣由大目寺至碑頭市折東南至三角寺又折東北至探塘與長沙縣分界 其南北最長處相距約一百五十里東西最闊處約一百四十里面積一萬四千五百方中里實占湖南省地五十七分之一部

三地勢

湘潭地面山地約占五分之三田原約五分之一其西南二面地勢獨高其北面及東面次之其最低處在東北一隅成一斜窩形故境內大河則由南而北支河則由西而東支河與大河會流之處勢極窪下每歲春夏水漲漫流於河水交會之窪地動輒數里或數十里窪地皆成澤國或歸咎於下游之洞庭湖近多淤墊以至容水不多水流不暢其實

則地勢使然陂陀起伏此地理家所謂衝積地也因此地勢故境內之山脈分三支河流分三道

#### 四山脈

湘潭山脈分三支皆遠接岷崙南幹之餘支其南幹正脈由貴州東出經湖南廣西界上至新寧縣東分一支出湘資二水間至邵陽縣東爲石焦山由石焦山分二支一東北行至衡山縣西爲衡山卽南嶽山是爲湘潭正南山脈之祖至湘鄉縣南爲九峯山是爲西南山脈之祖一西北行至安化縣東折而東南爲湘鄉縣北之黃龍山是爲西北山脈之祖

其正南山脈由衡山北出入湘潭縣界爲天馬山卽衡山祝融七十二峯之一山有十八峯峯巔有李仙祠明清以來歷祀爲山主山西五里爲琵琶山亦七十二峯之一也山東七里爲紫荊山山有五峯周亙四十餘里山脈在此歧而爲二一北迤爲分水坳爲斗米坳爲九峯寨爲雷祖峯爲果盒嶺爲磨前嶺止於吟江之涓水東岸一東迤爲蓮花寨折

#### 湘潭縣地理圖說

二  
湘潭縣守益圖書印刷社印

東北爲曉霞山亦名饒筍山山多景物饒竹筍且林谷深邃近常患爲荏蒲藪又北爲佛祖嶺爲五龍山湘涓之間多溪澗約分五絡皆分於此山左右山巔有大傑寺前明吉王爲僧慧庵建五龍之北十五里爲觀音山卽衡山上有石馬峯饒翠竹靈泉之勝又北爲尖岡山山碧如玉筍故名其東爲白雲峯其西爲高嶺嶺北爲大王嶺爲土地山止於金霞山山有奇石如筆正對縣城形家以爲文筆云五龍之東爲古嶽峯亦七十二峯之一山高負天遠隔湘曲其支山旁出散佈於迤南迤東爲湯丸坳爲長沙坳爲顏子嶺趨向東南其正支北迤爲雪花汪家桐子喉頸范家五坳又北爲雷祖峯折東北爲昂山山列三峯千霄壁立頂有靈泉傳爲仙井又東爲閔家坳爲矮坡嶺折北出十餘里爲山塘坳爲星子坳爲紅花山爲茶口山北止於天梯嶺此山脈自天馬山直北至天梯嶺凡一百二十餘里左縱右橫千支百出是爲湘涓間分水之脊

其西南山脈由九峯山東出入湘潭縣之西南隅爲昌山山周四十餘里距縣百六十里積障虧天攢峯挺秀山南有錦鼇峯峯上有定海寺明末僧竹浪所建竹浪姓王氏明末

之遺民也昌山山勢東北迤爲銅梁山山下有石龍口石泉湍激匯爲響水潭又東北爲雲霞嶺東有東霧山山上有東岑庵陳恪勤曾讀書於此山下卽恪勤先宅墓後墳墓故亦在是又東北爲曉村坳爲環山坳爲青翠峯折東出爲分水坳爲楓木坑爲福海山折西北爲蜘蛛坳爲隱山山有龍湫舊名龍山唐洞山僧良价隱修於此故名胡文定葬於山麓山下石巖爲龍王山下有慈雲寺祀龍女今墓祠並廢又北爲營盤寨爲石和尚嶺自昌山至此經七十餘里山連不斷爲湘潭鄉之界綫嶺右爲青山寨左爲白石寨折東出爲觀音山爲烏石峯峯上有祠祀易山主易卽元末之易華保聚湘南不爲明屈一方皆嚴祀之如青山白石烏石營盤珍珠五寨皆其舊屯也稍南爲望祭嶺云爲明末望祭衝嶽之地直東十餘里爲鄭家坳爲暫塘坳爲萬家坳折北爲雷祖峯又東北爲黃家坳爲紫雲庵爲金盤嶺止於甕子嶺此山脈自昌山起由西而東而東北曲折百四十餘里至甕子嶺到處分支隨地起伏是爲涓漣間分水之脊

其西北山脈由黃龍山東出入湘潭縣之西北隅爲韶山山上有鳳音亭其陰有東臺桃

### 湘潭縣地理圖說

三  
湘潭縣守益圖書印刷社印

花洞縣志云韶氏三女山居學道鳳銜天書至而仙去韶山下爲書堂山東出爲團山坳爲白石寨爲湘潭坳爲鐵石坳爲羅仙寨折東南爲蛇塘坳爲添嗣嶺爲梅湖坳爲蕭家坳折東北爲高露山上有尼庵單峯孤秀潭寧二縣望以知方折東爲托家山復東南爲譚家坳又東稍北爲龍安山亦名仙女峯宋理宗時有老嫗攜女婦登山得桃如碗食而仙去與韶山之韶氏三女事符峯高三里許體峭亭亭若出平地上有祠祀三仙女里人祈禱遊登爲一縣名勝峯側有冬桃嶺云卽得桃處也龍安之東爲架木寨又東爲牛頭山山脈至此歧而爲二一東北出爲尙書嶺嶺以李文莊得名又東北爲黃峯山山上有寶靈寺爲傅仙峯傅仙不知何代人爲道士能禱雨清乾隆間潘進士晴皋於江渚得石像置像建祠鄉人祀之又東北爲青山折北爲鳳池嶺出長沙縣界止於靳家河岸一東南行爲黃龍山蓋漢湘南侯黃龍故祠所在又東南爲高嶺清同治間塔齊布屯兵於此戰勝太平軍今有碑刻塔忠武駐兵處屈南爲西風嶺折東爲高碑嶺爲湖頭嶺嶺在雙家湖頭故名雙家卽元御史變理溥化故宅嶺有三皆陂陀微起徒有嶺名山脈至此復

南止於縣城公署後其尾山爲壺山止於湘濱之石嘴頭此形家所謂爲縣城正脈也此山脈由韶山東行六十餘里至仙女峯是爲漣新間分水之脊由仙女峯一東北行二十餘里一東南行三十餘里分投湘岸是爲湘新間分水之脊

其縣城東北有連山由醴陵北出入湘潭縣界長湘瀏醴四縣以此分界首山爲屏風山勢盤三縣林谷阻深省城地脈之主山也西北行十里爲婆仙嶺俗謂古有姑婦七人俱白日上昇於此故名山有老少二峯如嵩山之有太少二室奇峯疊秀高矗雲際上有金輪寺山界四縣西潭東醴北長沙而東北瀏陽山脈至此折東北入長沙行十餘里復折西北爲長潭界上之馬皇坳坳爲楚馬王屯兵地又西北爲金坑坳屈西爲玉屏峯爲湘潭坳再西止於昭山山臨湘岸巖石壁立高約二百餘丈山上有寺曰昭陽山下有潭曰昭潭並饒勝景爲縣名勝地此連山於縣界若離若卽山之西南水皆入湘其東北則入潑水及瀏陽河

其縣城東南有連山由攸縣西入湘潭界湘衡攸醴四縣以此分界首山爲鳳凰山山跨

### 湘潭縣地理圖說

四

湘潭縣守益圖書印刷社印

湘攸衡三縣周盤百餘里叢山深谷嶽崎幽阻明清以來結寨負險之徒據爲藪窟是誠防遏要區也山東北十五里爲牌山嶺又十五里爲源頭坳直北十里爲毡帽山山頂有靈泉冬夏不竭下有石洞云是龍穴再北十餘里爲軍山山高秀入雲有雷園風洞諸勝中饒茶茗山下有金阮然元明以來未聞開治也山脈至此直北入醴陵此連山以東水皆入潑以西則入湘

### 五河流

湘潭河流分三道一湘江二漣水三涓水

湘江源出廣西興安縣南之海陽山北名海陽江北流至興安縣東北水分爲二一西南流爲廣西之灘江卽桂江南流合珠江入海一東北流經全縣南始名湘江入湖南經零陵祁陽常寧衡陽衡山數縣至桅杆嶺入湘潭縣界東北流西入樊田港水河中有石洲洲小無居民折東流北入潭口港水及連佳港水經王十萬又北入萬應橋水折南流河中有晚洲屈東南入湘潭境內南入彭陂港水又東折西北繞荷包洲西入花家橋水至

朱亭市西東入朱亭港水經餅子鋪西折東北流西入龍泉港水屈東流北入礮石港水至淦田市西復東北流東入淦田港水北入田父橋水河中有琴洲水滿則沒水涸則現又屈北流東入鶴子港水出經潭醴界上河中有暗沙是名昭陵灘灘長十餘里爲航行險道在灘道中南入黃竹港水地當坎亨堂對岸卽醴陵之昭陵市又北流西入文家港及顏家港二水至三門市東西入種果橋水河中有空洲卽梁之空雲城今則洲小如艇矣又北流經空靈岸霞石埠至倉頭岸西入倉頭港水對岸卽醴陵淅口市淥水入湘處也再北流西入包家港石家浦小麥港泉水港四水河中有遼洲至礮石浦東折東流復入湘潭境內西入礮石浦水又東流東入青藍港水屈北流至新市東入醴汜港水西入徐家港水至株洲市西東入株洲港水西入陳埠港水折西流南入易家橋水北入白石港水又南入筲箕港水再西流至下灣北入下灣港及烏鵲港二水南入南塘港水再西稍南經馬家河南西入嚴家港深潭港二水河中有洲長約二里許是名古礮洲洲尾東入洛步港水又南入灣頭港水卽茶園水也復西流北入杜山港水至易俗市北南有涓

### 湘潭縣地理圖說

五

湘潭縣守益圖書印刷社印

水來會又西折北流至湘河口西有漣水來會又北流東入黃旗港水河中有洲亦長二里許是爲楊梅洲折東流北入唐興橋水南入燒窰港及靈官渡二水北岸爲湘潭縣城及總市街道三重列肆十餘里湖南屬縣之繁盛此爲第一過縣城至文昌閣下折北流東入陽雀港滴水埠二水西入竹埠港水其對岸入一小水亦名竹埠港又北稍東西入沙埠港水又東北復折西北東入吳家港水至易家灣西東入易家灣水至昭山出經長潭界上河中有洲是名興馬洲洲尾西入板石港水又連續一洲是名莪洲洲中岸西入戊寅港及下港二水洲之西北岸卽探塘探亦作炭湖水至此出長沙縣境計在湘潭境界水凡九曲形如弓字行二百四十餘里帆船輪船通行無阻此縣商繁盛之利源也漣水源出邵陽縣東北之龍山西麓東流合藍田水測水橫貫湘鄉縣境行四百六十餘里至烏嘴經湘潭界上至文家灘入湘潭境內東南流北入馬坵水及趙家港水又東南南入楊泗廟炭溝港二水北入龍家港李家港二水又東南北入馬家港水南入鐵水橋水經石潭市北折北流西入龍泉港梁家港牛車壩三水河中有箕子灘又北折東北至湖

江口北入雲湖水南入屯塘水經南北塘市南又東北北入沙子壩水南入占米港水屈東流南入黃草港水復東北流東入謝家港水西入易家壩水折東流經姜畚市南北入龍口橋水又東流北入姚家湖水南入林家壩水又北入桃花港水及楊家港水再東稍南南入尋筆港水屈東北復屈東南南入萬寨港水復屈東至湘河口入湘江此漣水在湘潭境內行經七十餘里春夏水滿小火輪可上至石潭

涓水源出湘鄉縣南之九峯山東曲折而南而東經衡山縣西北屈北流至塞口嶺經湘潭界上西北流折而東北西入小南港水屈北流西入桃花港水至潭口嶺入湘潭境內東北流南入小梓木港水至龍口市西南入龍口港水折北流至花石市西東入觀政橋水又北流東入尹家港水西入延化港水及同心橋水又北流折東北入迴龍橋水至鹽埠市東北復北流東入寧家港水西入瀏陽橋水至錦石市東西入如歸橋水至射埠折東流北入爛泥壩牛形港石嘴港三水南入謝家港水復曲折東流旋北流東入碧水港水至吟江店西東入吟江口水復曲折北流西入打石坑石灣橋硬石橋古塘橋四水東

### 湘潭縣地理圖說

六

湘潭縣守益圖書印刷社印

入牛角冲崩岸灣二水折東流北入石橋謝公橋二水南入黃竹港忠信港黃龍橋三水至郭家橋店西折北流西入麻姑灘水復東北流南入烟霞港水西入雙江港水復北流西入樟樹港水又屈東北折東南復東北東入株木港水至易俗市南東入長隴壩水折西流復北流在易俗市東入湘江此涓水在湘潭境內經行一百二十餘里水淺河狹多筒車洪澗惟小艇可通行不能行駛汽船

### 六區域

湘潭縣地前清沿明制劃分都甲全縣合二十一都都各十甲都自一數起至十八數而四與五與十七各分上下合爲二十一縣城總市後別有三十都殆明制也俗稱二十一都半所謂半都或指此耳其各都位置或以次列或不以次列其幅員或相連或不相連錯雜糾紛後之人皆罔識其劃分意義至前清末年自治成立乃劃分自治區域視各地方之大小人口之多寡或仍舊一都或併合兩都定爲十七區復隨山水天然形勢爲東西南北四鄉以湘水流域爲東鄉分六區以漣水流域爲西鄉分四區以涓水流域爲南

鄉分四區以湘水合靳水流域爲北鄉分二區其縣城及總市並附近城市地爲城區凡十七區

城區係縣城及總市之正河後三街並街後之上中下三十都地又割分舊二都之宋家橋揚月來四面佛風車坪及舊下五都之楊梅洲窰灣粟家亭永興亭等地東起中經偏西三度四十四分西至三度四十八分南起北緯二十七度五十四分北至二十七度五十七分東以宋家橋與北一區分界西以求子橋與西一區分界南濱湘江與東一區及南一區隔江相望北沿大路及山邊與西一區及北一區犬牙相錯橫廣十三里縱長二里不等面積二十六方中里城南瀕湘周廣七里四分南有小東觀湘通濟生湘四門東有熙春西有瞻嶽北有拱極各一門城內縣公署直對觀湘門商肆分排第宅林立有宣化東街宣化西街及觀湘直街通濟直街四街其他巷道交馳接闌通闌北城則間有田園塘阜清曠如鄉村街市商業素殷盛俗號小南京今南京就衰而縣商亦不如昔縣商在城外城外分總縣志言昔時街總從宋橋西至小東門爲一二三總宣化街至新街

### 湘潭縣地理圖說

七

湘潭縣守益圖書印刷社印

爲四五六七總生湘門外爲八總諸總題額悉廢今無有知者按此當在縣城未築以前去今已數百年矣今自通濟門以上爲八總順數至十九總十八十九皆分正上凡十四總巨商大賈咸萃於此上十九總以上通號錦灣其河中之楊梅洲亦有市肆居民甚夥鹽賈之屯積木煤修理舟楫近多聚此總市濱河有河街起十總永州馬頭止於十八總之沙灣街段題額視正總商業行棧其上下河之石磴爲馬頭通街馬頭凡五十餘處十三總之黃龍馬頭十四總之蔣家馬頭爲往反長衡之輪船船埠前清末季湘潭亦定約爲商埠英商於十二總設怡和太古馬頭日商於十三總設日清馬頭而本地商家亦開創招商馬頭躉船排列各爲停泊之所若各幫帆船停泊亦各有馬頭蓋定例也總市後街起瞻嶽門外而中斷於兩湖橫堤兩湖爲總市後湖水下通湘縣志謂兩湖積水南出唐興橋今按地勢殊與唐興之水不屬兩湖堤盡後街復續爲壽星金容風箏上陸棗竹梧桐瞻棗望新等街橫列總後而大同新梁黃龍興龍靜福鄢家錢家居仁由義各街巷則爲縱街其餘巷道盤紆曲折如鱗次工商十萬坊市三重地皆平曠惟十六總後街地

漸隆起平陂一綫至由義巷尾突起爲黃土山近歲南北兵交樹礮山巔以資守禦山勢背鄉而市面爲紫雲宮燕窩及電燈局等地在曲抱處爲唐興寺寺前有智儼石塔寺後爲好漢坡坡巔卽壺山山有巨石狀如壺石鶯伸出湖岸有如立獅如臥虎如伏龜者形狀不一俗名石嘴腦河水至此礙石回波衝擊成潭爲第一潭名陶公潭亦名漁潭再下爲第二潭當興仁馬頭之下縣志謂潭水重倍凡水匠製銅鉦必取此水淘之後街以後則良田沃野間以塘阜自求子橋以下迄宋橋環繞城市如圍場焉

東一區治株洲名株洲鎮係舊三都及一都之一至九甲半甲居縣城之東湘水之東岸地也南起北緯二十七度五十二分北至二十八度五分東起中經偏西三度二十五分西至三度四十五分東以馬皇坳半山坡與長沙縣分界又以婆仙嶺屏風山與瀏陽縣分界南以分水大坵黃栗塘與醴陵縣分界又以湘水與東二區分界西以深潭灣靈官渡與南一區分界又以湘水與城區及北一區分界北以昭山金坑坳與長沙縣分界東西相距約五十六里南北約四十五里面積一千一百九十方中里其東北一方因山脈

### 湘潭縣地理圖說

八

湘潭縣守益圖書印刷社印

經過地勢占高其中區又橫互以白馬雙峯及黃登仙苦株仙琵琶仙仙同山音鄉語山也琵琶仙中有雲巖風洞清順治初於石甕得三仙女像鄉人因建祠祀之諸山連互二十餘里因劈全區之水四面分流如桎木坡以西至和尚嶺一帶之水皆南流入湘荷塘坳以東至殘梅一帶之水則西流入湘高峯塔以東至文家店由文家店以北至上馬石兩方之水則北流或西流入湘地隨起伏高低互異其山與田各分地面之半地當省會要衝湘潭通省由縣城南渡湘水入區西境沿湘北出經板塘風仙蒿塘昭峽四鋪出長沙之暮雲鋪而醴陵通省由醴陵雙牌鋪入區東境經白關株田荷塘三鋪出長沙之龍頭鋪株田地爲建寧故城在吳孫權移治之先淦田之建寧係所移治者與此有後先之別其驛道事煩自郵局電綫相繼成立驛遞始廢前清光緒中年因轉運萍煤由商辦萍萍鐵路起株洲河岸東經白關鋪出醴陵達江西萍鄉縣之安源至光緒末年洲設撫民廳建築公署議割區地與善化醴陵之邊界爲治地及民國成立因廢廳爲縣屬區如初至宣統初年官辦粵漢鐵路亦道經區境由省城出長沙從昭峽鋪東入境經白馬塘清

水塘白石港與株萍路相交會出區治東南經黃栗塘出醴陵之淶口民國十一年新築長寶軍路亦從昭峽鋪東入境道循蒿塘鋪驛路之右復出驛路之左經高峯塔下及太平街南抵湘岸之泥灣隔湘水即接唐興橋側之路出西一區此路可行駛汽車而鐵路則有北通漢口之火車道路修整客商臻集鄉區殷盛當爲全縣冠

東二區治馬家河號藕花鎮在縣城東南地當湘水之曲舊係十三都及一都之十甲並九甲半甲又八都之一甲及下八都之二三四甲南起北緯二十七度四十一分北至二十七度五十六分東起中經偏西三度三十四分西至三度四十三分東以湘水與醴陵及東一區分界西以猴頸坳麥灣石壁口灣頭港與東三區及南一區分界南以三門及雷打坎與東三區及東四區分界北以湘水與東一區分界南北相距四十九里東西約二十里面積六百九十方中里區境湘水自潭醴界上直向北流在株洲忽折向西流至古礫洲而洲尾之茶園水自茶園鋪直向北流在灣頭港入湘故本區地段湘水環其東北二面而茶園水屈其正西一面南面則繞以牛皮壩水地界如天造地設區中域則互

### 湘潭縣地理圖說

九

湘潭縣守益圖書印刷社印

以猴頸范家閔家具塘山塘黑子六坳及茶口山天梯嶺之南支山脈劈分本區之水如牛皮壩傘鋪隴黃鴨塘黃旗營泉水窟羅潭坪迎杜橋各處之水皆東流入湘如梅市小雷公塘黃藤冲牛形坵等處之水皆西流入茶園水如風仙橋大禾隴油榨塘輝先橋坵里隴等處之水則北流入湘故本區地勢東西南北皆平原惟西南隅及區中域山峯疊出其水田多於山林地不當衝無夫役之擾其瀕湘一帶有空靈岸今日觀音崖磐石踞波狀若蹲虎崖下滴露成泉云可療疾近歲重加修飾就地建樓蓋閣雖無林園之勝亦足覽江中水景岸傍津渡爲霞石埠取杜詩以名地也埠北數里有倉頭岸蓋前代轉般之地又北數里有雷打石土窰十數座燒石成灰爲飾屋糞田之用再北二十里有鑿石浦輦集穀米商業春播而浦下水道幽僻阻險清末民黨多潛蹤於此浦北有懷杜巖唐杜甫有宿鑿石浦詩今存崖記名勝也湘南岸有馬家河與霞石鑿石皆本區市集區治建此對岸亦名馬家河多灰窰石灰所產積地也區屬湘河有空洲遼洲古礫洲三洲洲上皆有田園廬舍菽稻桑麻無異平地古礫昔爲羅氏所有今洲近旁猶多羅姓云

東三區治茶園鋪號天儲鎮在縣城正南舊九都及上八都之七八九十甲南起北緯二十七度二十四分北至二十七度四十八分東起中經偏西三度三十八分西至三度五十三分東以連佳港湯丸坳牛六口與東四區分界東北以牛皮壩雷公塘梅市與東二區分界西以茶園鋪以南至廣東橋之驛路與南二區分界西北以羅振壩梅林橋與南一區分界南以分水坳樊田市寺門前與衡山縣分界南北相距約八十里東西最闊處約二十里面積一千一百二十四方中里區地以正南山脈之古嶽峯橫亘中區因分區地爲兩段北段地勢中挾正南山脈斜欹東面向北面逐層低下其山脈以西之茶園水直向北流入湘以東之虎嘯壩三元橋羅家壩諸水皆東流入湘南段地勢亦傾欹東面則直向南低故響水壩腰塘黃茅驛馬公堰汪家湖諸水合各西來之水爲潭口港南流入湘惟併合之舊八都逼近天馬紫荊地勢占高亦斜向東面其大石橋熊家橋水各受西來小水合於望紫橋西而東流入湘區地因山脈經過萬嶺千山深林密箐隨高逐低山多於田至三倍有餘西與南二區交界處係縣南驛道其信通衡永之電綫隨驛道

### 湘潭縣地理圖說

十

湘潭縣守益圖書印刷社印

而南由南一區之谷水鋪入區界十里爲茶園鋪鋪市頗繁盛爲旅客所爭趨區治建此而名以天儲殆合天馬儲山以爲名也驛路在此分爲兩路一東南經汪家坳花門樓白皮鋪湯丸坳出東四區至朱亭一正南十里爲長嶺鋪十里爲柱塘鋪十里爲中路鋪鋪於驛路南北爲中故名又十里爲黃茅驛舊有驛丞後設巡檢今廢驛南十里白石鋪十里西冲鋪十里青石鋪十里南冲鋪又南爲界牌關出衡山關左瀕湘江右連天馬前有七賢雷祖兩峯左右壁立天然雄峻爲縣南陸路之門戶南北兵交此爲戰場焉青石鋪東有樊田港爲潭衡分界處且爲湖水入境處湘岸有桅杆嶺俯瞰湘流是爲縣南水道之門戶

東四區治坎亨塘名普安鎮在縣城東南地當湘水之上曲處舊係河西十六都之一二三四五甲及中八都之五六兩甲南起北緯二十七度二十六分北至二十七度四十一分東起中經偏西三度二十三分西至三度四十三分東以湘水與醴陵縣及東五區分界東北以湘水及三門市與醴陵縣及東二區分界東南以湘水與東五區及東六區分

界西以連佳港白楊冲與東三區分界東北以石塘壩牛六口與東三區分界西南以湘水與衡山縣分界東西相距約二十八里南北約四十八里面積七百一十方中里區地東南北三面瀕湘惟正西一面倚山地而田山實各居半數其西面之古嶽山脈在區西界爲湯丸坳由坳側分三小支一東出顏子嶺及譚爺嶺抵於湘岸譚爺清康熙時攸人客傭於此諸多道術鄉人神之建祠此山嶺東神仙橋其故蹟也一南出長沙坳及天水嶺抵於湘曲一北出楊柳冲及白楊冲抵於興隆橋西區水因劈爲三道如長沙坳以南顏家衝井田衝花家橋水皆南流入湘顏子嶺以南峯仙橋喻家衝大石橋水皆東流入湘白楊衝以東興隆橋神背隴神仙橋水皆北流入湘湘水在區界成兩大曲上曲處王十萬湘岸小市疑卽都石站聲相近也或云有王姓居此家資十萬故名湘水曲繞荷包洲有故湘西城是爲南北朝高齊所建曲內有梅衝蓑衣塘二望衝湯也坳驛路是由茶園舖分道東南至朱亭之路出曲處有小花石卽古花石成唐杜甫劉長卿曾經過賦詠遂以名勝顯非涓濱之花石也下曲處在淦田由淦田北下河中有巨灘謂之昭陵灘五

湘潭縣地理圖說

十一

湘潭縣守益圖書印刷社印

代楚馬殷認馬援爲其始祖奏封援爲昭靈英烈王灘上故有援祠卽以名灘灘側石鋒星錯川洪線引商舟過此時虞損沒因設公團救護卽坎亨塘今爲區治焉灘下爲鷓鴣磯再下爲三門灘水經注指爲空冷峽或云水中有三石如門或云岸傍有三石門山不知孰是不如合昭靈鷓鴣並此爲三灘如三門市市商多業春碾貨饒穀米亦湘濱大市也

東五區治淦田名建寧鄉在縣城東南係湘水東岸地舊下十七都及河東十六都之六七八九十甲南起北緯二十七度二十三分北至二十七度三十三分東起中經偏西三度二十二分西至三度三十九分東以源頭坳碁盤石與醴陵縣分界以龍家團與攸縣分界西以湘水與東四區分界南以攬車嶺之連山與朱張橋之港水與東六區分界北以軍山及寒婆坳與醴陵縣分界南北相距約二十八里東西約四十八里面積一千零四方中里區東界有源頭坳牛背嶺毡帽山碁盤石軍山各連山嶽崎幽阻成爲高原一線斜向西欹逐層而下其毡帽山山勢向西分出豹頭嶺風箕嶺金烟山龍井坳一路連

山橫貫區中因劈分全區之水北爲淦田港水南爲朱亭港水朱亭港源出東六區之鳳凰山在區境爲港水支流其源出牛背嶺及毡帽山者一經大安山北一經大安山南山有譚真人祠近代道人也以祈雨有應鄉人祀之二水合流經上下馬跡因石有馬跡痕云昔仙人騎行所經也水經上馬跡合長行衝水經下馬跡合光甲衝水西流合港水正流入淦田港水源出軍山西流合青溪大南港福星橋三水又合東衝橫頭二水至許澗隴有九思衝開利寺石衝塘三水合流經揚名橋西流來會開利寺創自梁天監時唐仁卿所造像高九丈閣高一尋有半度以今尺像高五丈二尺閣高六丈四尺信爲前代巨製矣港水西流合觀音橋水是爲淦田港西流入湘沿湘一帶地平坦多良田此外則山谷高深故本區地面山占三分之二其原田不過一分淦田固沿湘市集亦爲建寧故城蓋三國時吳置湘西復移建寧治此舊治在株田故株田亦有建寧故城非此也區取名鄉紀實耳

東六區治朱亭名朱亭鄉在縣城東南居湘水東岸舊十八都地縣屬各鄉區以本區地

### 湘潭縣地理圖說

十一

湘潭縣守益圖書印刷社印

段相隔爲最遠南起北緯二十七度一十五分北至二十七度二十七分東起中經偏西二度二十四分西至三度三十九分東南以明月山鳳凰山與攸縣分界西南以彭陂港界牌嶺雙石門與衡山縣分界北以文家坳攬車嶺朱張橋與東五區分界西以湘水與東四區分界南北相距約三十六里東西約四十里面積九百一十六方中里區以東南一隅之地插入衡攸兩縣當東南連山之麓崇山峻嶺環峙其東南兩面而連山經過處又分多數支山橫入區境故周盤數百里內山重嶺疊林谷幽阻自昔靈關玉壘素稱不靖在官府視爲防遏要區今固靜闕然川原不改山險天然其各處源泉奔注分陰腴阡地面三分田居其一而山居其二區內溪澗因此地勢皆趨向西北流匯爲朱亭港及彭陂港朱亭港源出鳳凰山西流折而西北東合梅衝茅塘衝二水又合朱陂壩水壩水出明月山山有鏡石朗如日照下有靈谷巖龍鬚灘地極幽奇壩水合數小水與港水合流西合三田衝鄧家壩二水又東合朱家隴水經大營田合東五區之毡帽山水至朱張橋下入州彭陂港源出界牌嶺合增源衝水北流入湘朱亭舊係縣丞分司之地宋朱晦庵

曾講學於此因以名亭亭側有龍潭書院卽主一書院故址並有學田數百畝今改爲高等小學校春伯之學猶翕然也清末常虞山盜因鄉治團練以備荏蒲焉區當攸茶驛道之衝由朱亭東出過長嶺經佛祖橋黃龍橋龍鳳橋生田店至雙石門石門地險山峯壁立重崖若關固舊戍也

西一區治姜畚市名姜畚鎮在縣城西三十里舊六都及下五都地下五都附近城區照劃分城區定章將舊屬之楊梅洲窰灣粟家亭永興亭等處割歸城區六都中跨漣水因呼漣北爲北六都漣南爲南六都其實一都也二都併合爲區區界南起北緯二十七度四十八分北至二十八度東起中經偏西三度四十七分西至三度二分東以永興亭溝子口與城區分界東南以湘河口金盤嶺紫雲庵與南二區分界西以高湖塘史家坳雲峯庵與西二區分界西南以湖江口與西三區以羊鹿坪洪山庵與西四區分界北以孫家鋪火燒壩蔡家嶺與北二區分界東北以栗塘先鋒嶺懷義亭與北一區分界南北相距約四十里東西約三十六里面積八百四十四方中里區西與西二區交界處內插寧

### 湘潭縣地理圖說

十三

湘潭縣守益圖書印刷社印

鄉縣地一段爲蕭塘丁林塘等地鄉呼小寧鄉占地面約二十四方里自治初辦議移文寧鄉以邊界相易未果區北界接西北山脈之麓南界正跨西南山脈漣水則橫貫中區故南北兩方之地勢特高叢山遙對惜多童禿中區則良田沃野農事修整故全區地面田占五分之三山占五分之二漣水自湖江口入境曲折東流北岸則排仙橋普濟橋王家壩褚公橋梅花渡青橋各水皆南流入漣南岸則占米港燕山橋兩頭坵林家壩捉雲橋護法寺各水皆北流入漣惟隴西橋楊柳壩秋波塘懷義亭各水則東流出唐興橋入湘漣水會湘處爲湘河口濱漣兩岸又夾湘流地極窪下春夏水漲沿河數十里屢爲水淹區當長寶要衝縣屬之西大路也路例十里一鋪西路自城內總塘鋪起十里至石牛鋪今名許家鋪經立營市卽勒馬壩十里鳴頭鋪又十里黃泥鋪一路平田萬頃膏腴饒沃謂之十萬隴道經姜畚驛路大市也縣志引爾雅田三歲曰畚之義謂是姜氏墾畚之地故名又謂爲王會沙故里坊表猶存今無有知者又十里戚里鋪縣志戚爲七謂鋪東七里至姜畚鋪西七里至石井鋪然鋪與鋪對路例固十里也石井今屬西二區自郵政

與電報並興驛道悉廢今姜畚有郵政分局有電線沿各鋪路西通寶慶民國十一年又新築軍路因舊鋪路時虞水患移上山邊自城區唐興橋側西經沙子嶺宋家嘴盧家山賀家亭又經姜畚市後排仙橋北朱家冲南出西二區漣北地當路衝自近歲兵興甚苦煩擾而漣南之梅林巷縣志一作煤隴舊產石煤巷西有九公橋皆區小市路通石潭其沿漣北岸上有南北塘下有沿湘河亦小市也路不當衝較安寂矣

西二區治寧田寺號清寧鎮合清溪寺寧田寺以名鎮也在縣城西北舊七都地南起北緯二十七度五十二分北至二十八度六分東起中經偏西三度五十九分西至四度十七分東以雲峯庵史家坳孫家鋪與西一區分界西以界牌冲鐵皮橋韶山與湘鄉縣分界南以湖江口魯家壩馬坵與西三區分界北以團山坳羅仙寨與湘鄉縣分界東北以鳳凰庵戴家壩與寧鄉縣分界東西相距約二十八里南北約五十六里面積一千零三十六方中里區境東西北三面皆山其北面尤峯巒疊出地勢特高向南逐層而下中區之雲湖水自韶山南麓發源順各方山勢曲折而南逕八十餘里東合譚家冲磨石坳梅

### 湘潭縣地理圖說

十四

湘潭縣守益圖書印刷社印

湖塘龐公橋唐家壩盛家冲各水西合郭家亭下山橋側家山巖鷹壩烟包山蓮花壩爛龍港通湖橋各水匯爲雲湖一小河至湖江口入漣雲湖亦可通舟小舟往來有三埠寧田寺靈官廟及雲湖橋橋工甚鉅下可通舟上則列肆前清並置廬卡爲驛道頓全之所橋以上舊爲大湖明嘉靖間傳爲龍鬪湖涸成田去橋數里有白龍冲爛龍港白龍寺是其驗證橋左里許道旁有石碑刻云湘潭三十九都地名早禾塘欽賜吉王莊田東至晏文貴田界四至其廣方二三里田畝數萬蓋明英宗時初封吉王租食之土也隴旁一樹枝幹正方殆卽楷木俗謂之四方樹由雲湖橋溯流北上有新橋及靈官廟寧田寺鼇石橋石壩橋如意亭瓦子坪各處皆區小市係北出寧鄉南通衡山之間道其縣屬西大路白石井鋪經雲湖橋而西十里至柘木鋪又十里至馬坵鋪出湘鄉縣爲西通寶慶之大路其電報亦傍大路而西其新築之軍路則在大路之北由盛家冲白龍寺出馬坵馬坵西北有柘塘壩塘等地突出湘鄉界內其水獨流向西南而東與西一區連界處別有小寧鄉其水則流向東南惟此二水不入雲湖區屬各水皆匯歸雲湖故雲湖左右皆平原

沃壤然北與東西皆叢山故山多於田約五分之三云

西三區治石潭市名石潭鎮在縣城西舊上十七都地南起北緯二十七度四十三分北至二十七度五十三分東起中經偏西三度五十八分西至四度一十分東以湖江口與西一區分界又以漣水及甕子嶺與老爺大塘南以鄭家坳大茅岡萬笏橋兩方均與西四區分界西以營盤寨烏嘴市與湘鄉縣分界北以馬坵鋪柘木鋪湖江口與西二區分界東西相距約二十八里南北約三十二里面積七百五十二方中里區北境自馬坵以東平坡一路東抵湖江口南境跨西南山脈如青石寨烏石峯鄭家坳叢山疊出屏蔽西南而黃泥坳中塘坳留君山之一路連山自西南斜出其東南向東面成一入字形水隨山轉者故本區之水分三道入漣漣水自湘鄉入境向東流橫貫其北境如馬坵兆坵濤坵及團活隴宋家隴馬家坪各水皆南流入漣如白坵藥橋占壩雙廟各處之水皆北流入漣如若衝卜壩稀塘留塘各處之水皆東流出西四區北流匯爲占米港水入漣區屬地山多於田山固俊秀而田亦饒沃地不當衝惟鄭家坳以北經若衝及石潭爲北通寧

### 湘潭縣地理圖說

十五

湘潭縣守益圖書印刷社印

鄉南通衡山之間道石潭爲漣濱第一大市市北漣水有洞穴內有石戶龍牀外有青石現仙人坐痕數步現一足跡長尺五寸臨渡處有桑樹云曾示靈蹟昔有三株今存其一皆志異也沿漣西岸有古城係漢湘南故城居民間得片磚琢硯甚佳沿南岸有楊泗廟文家灘烏嘴市皆漣濱小市而若衝平山嶺及雙廟瓦子坪長山坳亦道旁小市也

西四區治鄭家坳名碧泉鎮在縣城西南舊十一都地南起北緯二十七度三十六分北至二十七度五十三分東起中經偏西三度五十一分西至四度零七分東以迴龍橋磨泉悠遠坳與南三區以打石坑紫雲庵與南二區分界東北以蕭家坳蘿藤橋屯塘與西一區分界西以福海山營盤寨與湘鄉縣分界西北以下馬山老爺大塘上塘衝湖江口與西三區分界南以旗山與南三區以石崙山與南四區分界東西相距最闊處三十四里南北約五十八里面積一千零五十六方中里區地形如蜂北境列家橋一帶如蜂頭南境辰山一帶如蜂腹中境暫塘坳闊僅一二里如蜂腰暫塘爲西南山脈之主山迤北向漣水一面逐層而下迤南向涓水則斜向東下因西南山脈在區西界有銀硃坳隱山